

## **PREPORUKE EU**

### **Četvrti sastanak pododbora EU i Bosne i Hercegovine (BiH)**

#### **o ekonomskim i finansijskim pitanjima i statistici**

**Brisel, 19./20. novembar 2019.**

### **1. EKONOMSKA I FINANSIJSKA PITANJA**

1. Komisija se zahvalila na blagovremenom dostavljanju materijala za diskusiju prije sastanka, ali je istakla da informacije mogu biti prezentirane na efikasniji i koncizniji način u cijelom dokumentu. To podrazumijeva prikazivanje objedinjenih podataka za cijelu zemlju, posebno u fiskalnom dijelu, kao i podrobnija objašnjenja o glavnim faktorima koji su utjecali na prezentirani razvoj događaja.
2. Komisija naglašava značaj Ekonomskog i finansijskog dijaloga između EU i zemalja u postupku proširenja kada je u pitanju kreiranje budućih reformi u skladu sa ekonomskim kriterijima za pristupanje EU. Komisija potiče BiH da iskoristi pogodnosti ovog dijaloga, uključujući i finansijsku i tehničku pomoć u ovom kontekstu. BiH treba da blagovremeno dostavi Program ekonomskih reformi za period 2020.-2022.
3. BiH treba da provodi smjernice za politike proistekle iz Zajedničkog dijaloga iz 2019.
4. BiH treba osigurati konsistentnu političku podršku, prepoznatljivost, vlasništvo nad procesom i koherentnost PER-a. Potrebno je ojačati kapacitet za koordinaciju ekonomske politike u cijeloj zemlji.
5. Politički zastoj koji traje već godinu dana nakon općih izbora 2018. ima negativan utjecaj na provedbu reformi. Ključni izazovi su slabosti u funkcioniranju tržišta rada, loš poslovni ambijent i neefikasna javna preduzeća.
6. Potrebno je uspostaviti koordinaciju između svih nadležnih organa u provedbi ovih reformi kako bi se osiguralo vlasništvo nad procesom u cijeloj zemlji, te dosljedna i puna politička podrška socio-ekonomskim reformama.
7. Unaprijediti kvalitet javnih finansija kroz bolje srednjoročno planiranje i rješavanje neučinkovitosti u trošenju sredstava.
8. Osigurati veću transparentnost javnog sektora uvođenjem javno dostupnih registara javnih preduzeća i pružanjem blagovremenih podataka o zaposlenosti u javnom sektoru, dugovima i parafiskalnim nametima.
9. Komisija naglašava potrebu depolitizacije i restrukturiranja javnih poduzeća, te osiguravanja transparentnosti procesa privatizacije.
10. Blagovremeno objavljivati potpune i dosljedne podatke o općoj državi za cijelu zemlju.
11. Očuvati nezavisnost Centralne banke u cilju održanja monetarne stabilnosti.

12. Pojednostaviti i uskladiti registraciju poslovnih subjekata, licenciranje i procedure izdavanja dozvola između entiteta u cilju stvaranja jedinstvenog ekonomskog prostora,
13. Rješavati pitanje niskog kvaliteta obrazovanja i nedovoljne usklađenosti obrazovnog sistema sa potrebama tržišta rada.
14. Usvojiti i provesti konsistentne srednjoročne strategije javnih ulaganja i usmjeriti fiskalne politike na ulaganja i obrazovanje kako bi se povećao potencijal za rast.
15. BiH treba ukloniti neopravdana ograničenja koja nisu u skladu sa *acquisom* o slobodnom kretanju kapitala, uključujući i ograničenja u vezi sa kratkoročnim kapitalnim transakcijama i stjecanjem nekretnina.

## **2. UNUTARNJA FINANSIJSKA KONTROLA U JAVNOM SEKTORU (PIFC) I REVIZIJA**

16. BiH treba usvojiti novi srednjoročni strateški dokument za PIFC, sa posebnim osvrtom na definiranje i provedbu upravljačke odgovornosti, u kojem će navesti zajedničku viziju i strukturu koordinacije za provedbu cjelodržavne politike PIFC-a.
17. Treba osigurati budžetsku nezavisnost državnih institucija za reviziju na svim nivoima vlasti.
18. Komisija potiče blagovremenu i sistematsku provedbu preporuka u pogledu vanjske revizije na državnom i entitetskom nivou, te u Brčko Distriktu.
19. Kako bi se osigurala učinkovita i djelotvorna zaštita finansijskih interesa EU-a, Komisija preporučuje da BiH i dalje jača saradnju sa OLAF-om u pitanjima koja se odnose na istrage s ciljem postizanja dobrih rezultata saradnje u budućnosti.

## **3. SARADNJA U OBLASTI STATISTIKE**

20. Kako bi se pružila veća podrška u analizi politika, BiH treba poboljšati pružanje blagovremenih i iscrpnih statističkih podataka u skladu sa standardima EU, naročito makroekonomskih podataka kao što su nacionalni računi, statistike vladinih finansija, inflacija i tržište rada.
21. Posebnu pažnju treba obratiti na poboljšanje koordinacije, saradnje i odlučivanja u izradi statističkog sistema BiH i na veće korištenje izvora administrativnih podataka i registara za statističku proizvodnju.
22. Komisija podsjeća na značaj provedbe potpunog i konsistentnog sistema nacionalnih računa i primjene metodologije ESA 2010, posebno u pogledu statistike vladinih finansija.
23. BiH treba provoditi tromjesečna istraživanja o radnoj snazi.
24. BiH treba usvojiti metodologiju, odgovornosti i budžetske elemente za budući poljoprivredni popis. BiH se također treba pripremiti za sljedeći popis stanovništva.
25. BiH treba definirati svoje NUTS III regije.